



BIH

Trostruki ubica iz Sanskog Mosta predat tužilaštvu: Pozvao policiju i čekao ih u kafani



Piše: M. Č.
25.2.2017. u 18:44

65

komentara

18

dijeljenja



Sanski Most

Tužilaštvo USK



Foto: RTV USK

Tridesetosmogodišnji Muhamed Kadirić koji je jučer, nakon kraće svađe, ubio trojicu prijatelja u mjestu Vrhpolje u Sanskom Mostu, predat je danas Tužilaštvu USK, potvrđeno je za Klix.ba u Ministarstvu unutrašnjih poslova USK.

TEKST SE NASTAVLJA ISPOD OGLASA

Kadirić će najvjerovatnije biti zadržan još 24 sata kako bi ga ispitao tužilac koji rukovodi istragom, a s obzirom na težinu slučaja trebao bi mu biti predložen daljnji pritvor.

Podsjećamo, Muhamed Kadirić lišen je slobode jučer oko 15 sati u zaseoku Kadirići, u mjestu Vrhpolje, u Sanskom Mostu nakon što je ubio trojicu bliskih prijatelja.



Kako su nam pojasnili u MUP-u USK, osumnjičeni je u pomoćnom objektu vlastite kuće sa trojicom prijatelja Elkazom Razićem (1969.), Safetom Kadirićem (1964.), Emirom Bajrićem (1984.) konzumirao alkohol.

Nakon određenog vremena, a za sada iz još nepoznatih razloga, uslijedila je verbalna prepirka, da bi Muhamed Kadirić otišao po automatsku pušku i rafalnom paljbom ubio ih sve trojicu. Prema svemu sudeći, Kadirićeve žrtve, sa kojima je bio čak i porodično vezan, pokušale su pobjeći, ali, im to, nažalost, nije uspjelo.

Tijela dvojice ubijenih su pronađena u objektu, dok je jedno bilo van objekta.

Nakon ubistva, Kadirić je otišao do komšije mehaničara i od njega tražio telefon da pozove policiju, da bi potom otišao u obližnji ugostiteljski objekat "Dukat", gdje je mirno dočekao policiju, koja ga je i lišila slobode.